

Jil khom ute



LIEL HA'SEDER

Liel Ha' Seder (Pessach jan) le eihon Torah akon thupeh (Mitzvah) tamtah esubulhit uvin ahi. Tekahnan, Matzah nehna, epu-epa ten thil kidang tahtah anatuo nao thusim chule Khakhamim te akon thupeh subbulhitna vetsahna'a, Lengpi ju (Yain) khon 4 don nah, annchekha neh chule adang dangho.

Liel Ha'seder amin put bang banga (Seder=akigong tup) hiche jan lehin thil jouse a kigong tup ahi. A lamkaipan thil jouse tichu ngamun 15 ho gontupsa akikoi ahi tai. Hichi ngamun 15 ho sese hin vetsahna anei cheh ahiti hi ehe sohkei uvin ahi.

K A D E S H

Kutpi dang banga Kiddush (Thensuo) na a kipan ahi. Jupi khon masapen hi houlim pum in aki don jie. (Veilanga on-pum'a don ding, chapa tahpen ho don dan/chondan) Khakhamim ho thuching

Talmud Yesusalmi achun hiche khon 4 hohi Khakhamim hon jatchom chom in LHATDOHNA thucheng 4 toh kiguijop in aledoh uvin ahi.

1. Egypt ten nasuh gentheinau akon kalhatdoh (Lhatdohna)
2. Nasuoh channau akon kalhatdoh (Huh hingna)
3. Ka bantha hat akon ka lhatdoh (Lhatdamna)
4. Ka nam mi hiding ka lhatdoh (Kipuidohna)

Hiche lhatdohna thucheng 4 ho – Pathen in Moshe Israel chate komma anasol chun hiche thucheng 4 ho ana mangin ahi.

Lhatdohna – Amaho akon in kisu genthei tahih uvin.

Lhatdoh-Huhhingna – Amaho noiya na natos kit tahlou diu.

Lhatdohna/Lhatdamna – Amaho sohchana nanoiya na umkit tahlou diu.



THUDOHNA:

Q. Koi koi hin Jupi adon teitei diu ham? Epijeh in?

Q. Epi dinga Khakhamim hun jupi khon 4 don teitei ding atiu ham?



URKHATZ

KHUTSILNA (Brakha beiya khut sopna)

Ann che lou hing neh ding ahi jeh a kut sop na barakha kisei lou ahi.

KHAKAMIM HON HITIN ASEI UVEH

Rabi Elazer toh Rabi Hoshia in hitin ana sei e, neh le cha twi a akideh lut taphot neh masang a khut sop ngai ahi, tin ana sei hon eh.

AJEH DANG

Chapang ho lung lah nading a kibol ahi, hichi akon til andoh thei nadiu a kibol ahi.

KARPAZ

Khutsil jou a, karpas chu chi twi a dehding chule Barakha sei a neh ding ahi. Chapang hon thil adoh thei nading uvah kiddus jou a karpas kineh ahi.

Chapanghon thil adoh thei nading a kibol ahi



YAKHATZ

Sedar lamkai pan matza chu hop ni in aken in alen joh pa chu afkoman a ding in aki sel mang in aneo pa chu sedar kon in aki nung koi kit in ahi.

Khakamim hon Matza hi migenthei ann ahi tin ana sei uveh. Hijehchun Matza eneh phat le Egypt gama genthe hehsok hinkho eman pau chu egel doh jidiu ahi.

HETDING A POIMO

Matza akhom ken pahin Judah te hinkho avetsah ahi. Akeh khat chu lhagao hinkho chule akeh khat chun tahsah hinkho avetsah ahi. Ani honah (matza) akineh khom in ahi. Hichun avetsah chu epu pateu chon phat egel doh ji diu, Torah toh Mitzvah hinkho yong eshu bulhit diu ahi.

THUDOHNA:

- Q. Epi ding barakha bei a khut kisop ham?
- Q. Epi ding ann che chu Kiddush jou keneh ham?
- Q. Epi ding a Matza chu hop ni a kiken ham?



MAGID

Kumseh le eihon epi ding hichi pot doh bu hi avel vel a esim ji ham Hilechetna

Nang ho na chate koma akang khang a naki sei son diu ahi.

Achung a akhang khang a sei son di ahi Mitzvah(thupeh) ahi. Hijeh achu koi hile Talmid khakam hile mimol hile potdoh thusim hi leil sedar jaan le ase teitei diu ahi.

Rabi Gamliel in hitin ase in ahi. Koi hile Pesach,Matza,Marror sei lou chu Egypt gama kon sohcha lou ahi.

Pesach = epu epa teu inn ana kalchu a Egypt te ana tha

Matza= epu epa teu in huh hing na ana mudoh

Maror= Egypt ten epu epa teu hinkho chu marror banga ana khaa sah uh.



THUDOHNA:

- Q. Akhang khang a nachate nasei pi diu ahi ti Mitzvah hi eti suh bulhit ding ham?
- Q. Epi ding a Pesach,Matza toh Marror poimo mo ham ?



RAKHTZ MOTZI MATZA

Potdoh thusim akisei jou p-then til bol chung a kipa thu akisei jou teng le Barakha pumin khut akisop in Kut seudah akin eh in ahi. Matza chu hamotzi in aki sei in chujou le al akilat Matza akise kit in akineh in ahi. Matza chu Kazait khat neh ding ahi. Kazait khat chu 27 gram ahi. Hamotzi seijou le Matza Kazait khat neh ding chule Akilat Matza seijou teng le Kazait khat mamah neh kit ding ahi.

Barakha Al Akilat Matza hi kum khat khatvei bou akisein ahi hichu Liel sedar jaan le bou aki sei in ahi.

POT DOH BU. 12 chang 18.

LHAMASA NI 14 JAAN LE MATZA NANEH DIU NI 21 CHAN NANEH DIU AHI.

RAMBAM IN HITIN ASEI E.

Torah a kon matza neh ding thupeh chu Leil Haseder Jaan bou ahi, ni dang ho vang Phal na meimei ahi. Tichu Kut sung seseh , ajaan masah teilou Matza chu enop le neh dah thei ahi.

Vetsah nan Matza neh na barakha Al Akilat Matza khu Kutpi ni Jaan le akisei in ahi.



THUDOHNA:

Q. Eti phat le Matza hi neh ding thupeh hiyah chule eti phat le phal na hiji ham?



MARROR

Matza neh jou teng le Kazait lhing set marror akilan kharoset in aki deh lut in akinei.

Mishana khang a chun Marror a hi ann che Khazeret kiti ana mang uvin ahi. Tulai a vang khasah joh akimang in ahi.

POTDOH BU 12 chang 8

HICHI JAAN LE CHUN SAA AKIHUL MIN TOH, MATZA TOH ANN CHE KHA NANEH KHOM DIU AHI.

RASHI HITIN ASEI E.

Marror neh ding thupeh akipeh najeh hi, Israel chaten Egypt gama hinkho khaa ana maan nau geldoh jing ding a hung kipeh ahi ati.

Ahile epi ding a Kharoset a kideh ham. Kharoset khula alhum ahin.?

NGAIDAN

1 Kharoset neh ding Thupeh ahipoi, Marror akhaa khu asuh lhum meimei a pang ahi.

2 Kharoset neh ding hi Thupeh ahi, Israel chaten Egypt gama bon ana chil pao chu avet sah ahi.

THUDOHNA:

Q. Epi ding a Marror hi Sedar jaan a kineh ham ?

Q. Epi ding a Marror hi Kharoset a kideh ahm ?



KOREKH

Kazait lhingset Matza toh Marror akilha Khom in Barakha bei in akineh kom in ahi.

Hichi chondan hi Hui lai a kon hung kipan ham?

KHAKAMIN HON HITIN ANA ASEI UVEH.

Hichi chondan hi HILLEL in Tempel Kanglai a chun ana chipi ahi, Ama chu Pesach, Matza toh Marror hi ana neh khom ji ahi. A thum alah khom a ana neh ji ahi.

Matza toh Marror chu neh thei ahi, ahin Pesach chu eti aneh ham ?

HILCHETNAH

MATZA, MARROR- Matza toh Marror chu Korban peasach toh ana neh khom in ahi.

PESACH- Korban Pesach a kelngoi saa (kihulmin)

Tukhang a Beth Hamikdash aumlou jeh in Korban Pesach jong aumta poi. Hijeh chun eihon hichi chondan pa lhinset in ejui jou tapou veh ahin akim khat vang ejui ji nalai uveh. Matza toh Marror akin neh khom pahin, temple khanglai a chondan pa hi asuh hing jing in ahi.

THUDOHNA:

- Q. Epi ding a HILLEL CHUN Matza, Marror toh Korban Pesach ana neh khom ji ham?
 Q. Epi ding a eihon Matza toh Marror eneh khom jiu ham.?



SULKHAN OREKH TZAFUN

Kut seudat akineh jou phat le Matza akiselguh AFIKOMAN pa chu akineh in ahi.

Epi ham AFIKOMAN ?

Afikoman hi Greece pao ahi, Ann neh khum khan a ahi. Ju, thei ahilou le thil alhum ho akimang ji in ahi.

Epi jeh a Korban Pesach akineh jou a ema neh phal lou ham?

Korban pesach neh ding hi Mitzvah (Thupeh) ahi. Afikoman neh jou a thil dang neh phal lou ahi ajeh chu Korban Pesach a saa akihulmin pa ataste ekam sung a umden ding dei sah na jeh ahi.

Tu khang a Korban Pesach aum lou jeh a eihon Matza (kazait khat) korban pesach khel in eneh uveh. Hichi Matza akineh apat ema dang akineh thei tapon ahi. Akhum kha na akineh ahijeh chun AFIKOMAN ti a akimin voh ahi.

THUDOHNA:

- Q. Khakamin hon AFIKOMAN hi epi ahe ati uvem?
 Q. Beth Hamikdash lai a chun AFIKOMAN a epi ana kimang ji em ?
 Q. Tu khang a AFIKOMAN a epi eneh ji uvem ?
 Q. Epi jeh a AFIKOMAN akineh jou le thil dang kineh thei lou ham?



BAREKH HALLEL

Jupi kon 4 akisung dim in HALLEL akisim jin ahi. P-then in echung uvah thil pha abol jeh in kipah nalaa HALLEL akisim jin ahi.

KHAKAMIM HO SEI DAN

HALLEL akisim pa hin thil 5 chung a kipah na avet sah ahi.

1 EGYPT A PAT POTDOH NAH

2 TWI PI KIHOP KHEN NA

3 TORAH SAN NA

4 THOKIT NI

5 MESSIACH BEN DAVID.



NIRTZA

Sedar jaan a ethil bol jouse ,thangvah na, etao nau, ethum nau seseh san peh hung umthai nading in kenep na le ta enai uvin ahi.

NABON UVIN KOSHER PESACH SAMEAKH

P-THEN DEI LANG HIHEN LANG ISRAEL CHATE JOU SE AGAM HUNG KINUNG LEH VAH UHEN.

אַנוּ מֵאַחֲלִים פֶּסַח כָּשֶׁר וְשִׂמַח לְכוּלָּם!
 יְהִי רָצוֹן שְׁנוּזָה לְאָכֵל בְּקָרוֹב
 מִן הַזְּבָחִים וּמִן הַפֶּסָחִים
 יַחַד עִם כָּל יִשְׂרָאֵל!

Hichi lekha hung jih: R. Meir Asulin, Shlomit Sharafi, Sara Avichai | Lekha jem-pa: Havi Eyal Drawing: Ronit Gelbach Aledoh: Zvi Hueta praject phuh doh pa: R. Yehuda Koch
 Produced by Elami-Elatzmi, Israel. Tel: 972-4-9978164
 Email: Sara@elami-elatzmi.co.il website: www.elami-elatzmi.co.il

